

VISOKO



MOSTAR



VOGOŠĆA



NEWSLETTER



FONDACIJA
HASTOR

septembar 2017.

U novoj školskoj godini 1825!
stipendista Fondacije Hastor

BIHAĆ



NOVI TRAVNIK



TESLIĆ



BUGOJNO




PRNJAVOR



SREBRENICA



GRADAČAC



KAKANJ



GORAŽDE



KALESIJA



TUZLA



BUGOJNO



Početkom nove školske godine započeto je potpisivanje ugovora o stipendiraju između učenika osnovnih i srednjih škola i Fondacije Hastor.

Učitelj Ramo Hastor i direktor Fondacije Seid Fijuljanin uz pomoć volontera i stipendista su obišli gradove i općine širom Bosne i Hercegovine u cilju organizovanja potpisivanja ugovora za sve postojeće i novonastale stipendiste. Na ovaj način Fondacija pruža šansu mladima da svojim uspješnim školovanjem kao i volonterskim radom učestvuju u razvijanju lokalnih zajednica i vlastitih resursa. Potpisivanje ugovora za osnovne i srednje škole je kompletirano, a u novu školsku godinu ulazimo s rekordnom brojkom od 1825 stipendista.

Direktor Fondacije Hastor naglasio je da Fondacija ima za cilj kroz finansijske poticaje pomagati stipendistima širom BiH, koji će biti svjetli primjer svoje lokalne zajednice, a time ujedno graditi nove lidere i jačati Bosnu i Hercegovinu.

"Princip rada Fondacije Hastor zasniva se na tome da djeca iz teških socio-ekonomskih uslova dobiju priliku da se uz finansijsku kontribuciju njima i njihovoj porodici omogući da se dostojanstveno školuju, a mi u Fondaciji Hastor pratimo cijeli tok njihovog školovanja, a sve s ciljem da u konačnici postanu potpuni ljudi, odnosno akademski građani i profesionalci u svojim strukama, koji su, naučivši to od stručnih ljudi u Fondaciji Hastor, spremni da pomognu jedni drugima kada god je potrebno. Fondacija Hastor konstantno raste godinama, ali je, nažalost, konstatno rastuća i potreba za finansijskom pomoći ugroženim porodicama, kojih na prostoru BiH ima u sve većem broju", istakao je direktor Fijuljanin.

"Prisutni smo već 11 godina s tim što se iz godine u godinu Fondacija razvija. Sjećam se one male djece koja su imala deset godina kad smo se upoznali, a danas su to zreli ljudi. Mnogi od njih prošli su i edukacije kod nas, radili po 10 volonterskih sati svaki mjesec, plus dva sata zajedničkog druženja u prostorijama ASA Holdinga u Sarajevu. Djeca iz svih krajeva naše BiH dolaze tu, edukuju se i postaju akademski građani i zapošljavaju se. Mnogi od njih su sada zaposleni i uzvraćaju pomoć, nisu nas se odrekli i dalje su s nama i kao donatori po različitim osnovama", ističe učitelj Ramo Hastor.

Ove godine unutar Fondacije Hastor napravljen je novi program po kome će se stipendirati i učenici sa slabijim prosjekom u cilju popravljanja uspjeha i dodatnog obrazovanja te s nadom da će uz stipendiju kao nagradu zavoljeti i samo učenje.

Učenici srednjih i osnovnih škola aplicirati za stipendiju mogu u toku cijele godine, a studenti samo za vrijeme trajanja konkursa.

Fondacija Hastor, osim što novčanim sredstvima pomaže u školovanju, također pruža i niz mogućnosti za druženje putem volontiranja i mjesecnih sastanaka, kao i niz prilika za usvajanje znanja na različitim takmičenjima i edukativnim programima, jer Fondacija Hastor je prije svega porodica svojim stipendistima, a zatim najbolji saveznik u postanku akademski obrazovanih građanina.

Hanka Mujkić



O PONOSU I ZAHVALNOSTI

U subotu, 16. septembra 2017. godine održan je redovni mjesecni sastanak studenata naše Fondacije. Interesantan podatak jeste i taj da se na ovaj datum prije jedanaest godina potpisao prvi ugovor sa stipendistom iz osnovne, odnosno srednje škole, a nakon dva mjeseca i prvi studentski ugovor o stipendiranju.

Sastanak je poučnom anegdotom otvorio učitelj Ramo koji je svojim govorom podsticao studente na vrijedan i uporan rad, istrajnost i kreativnost. Kroz svoje izlaganje učitelj je govorio i o kulturnoj baštini te njenom bogatstvu na našim područjima dodajući da će nas „različiti krajevi izložiti različitim idejama“.

Drugi dio sastanka vodio je direktor Fondacije Hastor Seid Fijuljanin govoreći nam o svemu onome što Fondacija jeste. Prezentacija je pratila hronološki razvoj i evoluciju Fondacije od prvih 304 do sadašnjih 1825 stipendista - zavidan broj mladih ljudi kojima Fondacija pomaže kako bi postali samosvjesni lideri u svojim zajednicama. U toku ove prezentacije nisu zaboravljeni ni zanemareni uspjesi stipendista Fondacije kako sadašnjih, tako i bivših stipendista kojima se Fondacija izuzetno ponosi.

Ovomjesečni sastanak studenata stipendista posjetio je i naš bivši stipendista Alem Merdić

koji trenutno obavlja funkciju asistenta na Ekonomskom fakultetu Univerziteta u Zenici. Student decenije, Zlatni student Ekonomskog fakulteta u Zenici, dobitnik Povelje dekana tri godine zaredom, to su samo neke od mnogobrojnih nagrada i priznanja koje su obilježile Alemov studij. Krajem juna odbranio je i svoj drugi magistrat, a na putu uspjeha nije zaboravio ni podršku Fondacije Hastor. Ovom prilikom Alem se zahvalio Fondaciji na bezuvjetnoj podršci i istakao njenu zaslugu za sva njegova dosadašnja postignuća. Svoju zahvalnost iskazao je i u svom magistarskom radu gdje je jedan dio posvete upućen upravo Fondaciji Hastor. Na ovom sastanku Alem je prisutnima procitao posvetu, a svoj magistarski rad poklonio učitelju Rami.

Prema riječima direktora Fijuljanina, upućenim prisutnima u sali, svi bismo trebali biti prije svega dobri studenti, a nakon toga ambasadori ideje Fondacije Hastor pa samim time i dio pokretačkog mehanizma.

Svi prisutni napustili su sastanak ponosni što su dio jedne dobre stvari, jednog dobrog mehanizma, jedne velike porodice.

Mirza Okić

PRVO MJESTO ZA SAFIJU HUBLJAR NA GEEKFESTU

I ovog ljeta učenici trećih i četvrtih razreda srednje škole imali su priliku da učestvuju u Ljetnoj školi inovatorstva „GeekFEST 2017“ koja se ove godine održavala na Internacionalnom univerzitetu u Sarajevu. GeekFEST ljetna škola idealna je prilika za mlade ljude koji imaju želju da nauče osnove modernog softverskog inženjeringu uz praktični rad kao osnovu. Nastava koja je trajala pet dana održana je na engleskom jeziku u ukupno 50 učenika, podijeljenih u 10 grupa. Priliku za učestvovanje u GeekFEST ljetnoj školi dobila je i naša stipendistkinja Safija Hubljar, učenica četvrтog razreda Srednje tehničke škole u Bugojnu. Za GeekFEST saznala je od svojih volontera Adne i Tarika na mjesecnom volonterskom sastanku Fondacije Hastor. Poslije teoretskog dijela takmičenja, Safija i njena grupa započeli su rad na aplikaciji „Explore BiH“ koja trenutno ne postoji na tržištu. Aplikacija je sadržavala informacije i zanimljivosti o nekoliko najposjećenijih gradova Bosne i Hercegovine, namijenjena prvenstveno turistima za lakšu orientaciju, ali i izbor destinacija za posjete.

„Na kraju takmičenja svaka grupa je prezentovala svoju aplikaciju. Moja grupa osvojila je prvo mjesto, što mogu smatrati svojim najvećim uspjehom. S

GeekFest-a nosim samo lijepo uspomene. Upoznala sam divne osobe sa kojima sam i sada u kontaktu. Nismo bili pod pritiskom, imali smo vrijeme kada se radi, ali i kada se druži. Imali smo organizovanu posjetu firmama Mistral i Atlant. Naprosto sam se oduševila kada sam vidjela kakve uvjete imaju za rad. Za mene najveća korist je bila ta što je cijela nastava bila na engleskom jeziku, a također sam stekla mnogo korisnog znanja što se tiče programiranja.“

Safija je ponosna stipendistkinja Fondacije Hastor već dvije godine. Istiće kako joj Fondacija pored stipendije pruža mnogo mogućnosti za druženje, ali i sakupljanje znanja. Naročito voli mjesecne sastanke s mentorima gdje uz pomoć svojih vršnjaka živi svoj san da jednog dana upiše Fakultet informacijskih tehnologija, te u tom poslu kreira svoju pravu ličnost.

Mi se nadamo da će Safija uspjeti u svojim namjerama i želimo joj puno uspjeha na ovakvim i sličnim takmičenjima, kao i u nastavku školovanja.

Hanka Mujkić



A certificate from geekFEST 2017, held at the International University of Sarajevo from August 14-18, 2017. It is awarded to Safija Hubljar for winning first place. The certificate includes the logos of geekFEST and the International University of Sarajevo (IUS).



A photograph of Safija Hubljar, a young woman with dark hair, holding up her award certificate. She is wearing a yellow cardigan over a white top.

► VIŠE OD VOLONTIRANJA

Najveća vrijednost i jedinstvenost Fondacije Hastor ogleda se u broju volonterskih sati koji ostvaruju njeni stipendisti. U školskoj 2016/17. godini stipendisti Fondacije Hastor zabilježili su rekordnih 250.000 volonterskih sati. Najveći dio ovih volonterskih sati rezultat su mjesecnih volonterskih sastanaka koje na terenu organizuju i realizuju studenti stipendista sa svojim mlađim kolegama, učenicima stipendistima Fondacije Hastor koji pohađaju osnovnu ili srednju školu. Svaki sastanak je posebna prilika za naše mlađe stipendiste da nauče nešto novo. Volonterski sastanci se u prosjeku održavaju dva puta mjesečno. Pored obaveznih tema koje su uvrštene u godišnji Plan i program za održavanje volonterskih sastanaka, studenti mentorji imaju slobodu da, u dogovoru sa učenicima, uvrste i neke nove teme koje oni smatraju zanimljivim. Na ovaj način i učenici, skupa s mentorima, učestvuju u kreiranju volonterskih radionica, a u isto vrijeme na kreativan i njima zanimljiv način stječu nova znanja. Nerijetko

se na ovim volonterskim sastancima organizuju humanitarne akcije, akcije čišćenja, izleti, kreativne radionice, predstave, takmičenja i mnogo drugih aktivnosti sličnog sadržaja.

Stipendistice Fondacije Hastor Lejla Ramić i Dina Turulja s grupom učenika volontiraju u Sarajevu. Proteklu školsku godinu odlučile su da svoje volonterske sate iskoriste u edukativno-zabavne svrhe, te su u tom cilju zajedno sa svojom grupom učenika obišle sve lokalne muzeje u Sarajevu.

„Kad se naše ruke slože, postigli smo da u 11 mjeseci volontiranja obidemo sve lokalne muzeje u Sarajevu: Srvzina kuća, Despića kuća, Muzej atentata, Brusa bezistan, Muzej jevreja, Aškenašku sinagogu, Bošnjački institut, potom Vrelo Bosne, Trebević, Centar Safet Zajko, Pionirsku dolinu, Cinema city..“ s oduševljenjem piše Lejla.





Stipendisti Delila Veispahić i Sakib Bitić s učenicima osnovnih i srednjih škola volontiraju u Kaknju. Jedan od svojih volonterkih sastanaka posvetili su bosanskohercegovačkoj kulturi i tradiciji. zajedno s učenicima organizovali su malu radionicu koja je obuhvatila izradu starog nakita iz srednjovjekovnog perioda, te izradu bosanskih vrata sa zvekirom za vrijeme osmanskog carstva. Materijal korišten pri izradi je bio: ljepenka, akrilne boje, sjene za oči, kistovi, šabloni, žica, perle.

„Na kraju smo imali dječije prste raznih boja, ali i zadovoljstvo onim što su napravili“, sa zadovoljstvom se prisjeća Delila.

Stipendisti Arif Bukvić i Josipa Bagarić u Tomislavgradu volontiraju s učenicima Srednje strukovne škole. Svoje volonterske sate u mjesecu augustu odlučili su provesti u prirodi pa su u tom cilju organizovali izlet na Mali Vran.

„Iako smo poprilično dobra ekipa, ovaj izlet nas je zbljžio više nego svi sati koje smo proveli zajedno u učionici prethodnih mjeseci. Nikada naše učenike nisam vidjela u tako dobrom raspoloženju, nije bilo izdvajanja, oni veliki su pomagali manjima, momci su hrabro vodili ekipu naprijed, naravno pod budnim okom naših vodiča. Napamet mi pada misao gospodina Ante koji je rekao da se na planinarenju, u prirodi, sklapaju najbolja prijateljstva jer to su prijateljstva sklopljena bez ikakvog koristoljublja. Vodići su nam raznim pričama učinili sve još zanimljivijim te nas u isti mah naučili mnogo toga“, zaključuje Josipa.

Volonterski sati koji naši stipendisti provode zajedno na terenu u druženju, učenju i zabavi daju jedinstvenu dimenziju Fondaciji Hastor, a navedeni primjeri dokaz su da su provedeni volonterski sati našim stipendistima više od volontiranja.

Džulisa Otuzbir




Napravite sami svoj hologram projektor prateći postupke izrade koje nam šalje Sadžida Kosovac.

POTREBAN PRIBOR I MATERIJAL:


CD kutija, skalpel, papir, makaze, olovka, crni marker, linijar, selotejp traka i mobitel.



POSTUPAK IZRADE:



1.



2.



3.


Odvojite plastične poklopce kutije CD-a, jer vam samo oni trebaju za rad. Umjesto njih, možete koristiti i bilo koju plastičnu prozirnu flašu ili grafo-foliju.


Na papiru napravite šablon koji ćete koristiti za iscrtavanje kontura na plastičnom materijalu koji ćete koristiti za 3D projekciju. Na slici možete vidjeti dimenzije i oblik šablonu.


Nakon što izrežete šablon upotrijebite ga da na jednom poklopcu CD kutije crnim markerom iscrtate konture. Ukoliko radite s debljom plastikom kao što je ovdje slučaj, preporučujemo da ne štedite s materijalom jer prilikom rezanja može doći do pucanja neizrezanih dijelova.

**4.**

Nakon što ste nacrtali markerom četiri iste konture, pažljivo izrežite skalpelom ili makazama, u zavisnosti od toga da li radite s debljom ili tanjom plastikom.

**5.**

Nakon toga selotejpom zalijepite sva četiri dijela kako je prikazano na slikama.

**6.**

Smartphone Hologram Projector - Free Molds and Video -Just Print!

38,711 views

171 19 SHARE

Na Youtube-u potražite Hologram projection video, pokrenite jedan od ponuđenih videa, postavite u sredinu svoj hologram projektor tako da je najuži dio projektorja postavljen na ekran vašeg mobitela.

Kako biste bolje vidjeli 3D projekcije, zamračite sobu ili ugasite svjetlo i uživajte.

7.

STIPENDIJA ĐACIMA SLABIJEG USPJEHA U ŠKOLI



U toku juna i jula obilazio sam porodice potencijalnih kandidata za dobijanje stipendije Fondacije Hastor. Na sastanku Komisije za dodjelu stipendija smo se dogovorili da uvedemo novi program i druge kriterije za dodjelu stipendije. Odlučili smo da odaberemo jedan broj kandidata koji su slabijeg materijalnog stanja, ali i slabijih ocjena u školi, da se porazgovara sa svakim odabranim kandidatom i da im se objasni da su odabrani da od ove godine budu stipendisti Fondacije Hastor. Ukoliko ne poprave svoj uspjeh u školi neće više primati našu stipendiju, a s druge strane, ako isti poprave stipendiju će primati i narednih godina sve dok budu popravljali svoj uspjeh iz prethodne godine. Po tom zadatku krenuo sam u obilazak djece slabijeg materijalnog stanja i slabijeg uspjeha u školi.

Pitam Mustafu hoće li više učiti ako mu neko da 100 KM svaki mjesec.

„Ma jok, ne mogu ja bolje učiti, a i nastavnici me mrze pa mi daju slabe ocjene!“

„Je li ti to ozbiljno misliš?“ upita me Safet, Muratov otac. Kad mu objasnila da je to odluka Komisije za dodjelu stipendija Fondacije Hastor, Safet mi reče: „Ja ti tvrdim da će moj sin Murat uspjeti, jer ču ga ja češće kontrolisati i pomagati mu.“

Kad upitah Sehiju, učenicu šestog razreda osnovne škole, ona reče: „Ih ako mi neko da 100 KM mjesečno, ja ču puno više učiti i sigurna sam da ču popraviti svoj uspjeh.“

Svakom djetetu koje sam posjetio po ovom zadatku obećao sam da će dobiti ove godine stipendiju Fondacije Hastor. Ako se ovo pokaže uspješno onda ćemo vjerovatno idućih godina povećavati brojnost ovih stipendista učenika slabijeg materijalnog stanja i slabijih ocjena u školi.

Ramo Hastor

► *Haris Muhibić*,

student druge godine odsjeka Informacijske tehnologije na Fakultetu za inženjerin i prirodne nauke Internacionallnog univerziteta Burch u Sarajevu, naš je stipendista mjeseca. Haris važi za izuzetno vrijednog volontera koji je našoj Fondaciji uvijek na raspolaganju, a to i dokazuje redovnim volontiranjem u kancelariji, svojom energijom, entuzijazmom i spremnošću da se administraciji Fondacije stavi na raspolaganje kad god je to potrebno. Svoj veliki doprinos Fondaciji dao je pri izradi i razvijanju aplikacije Fondacije Hastor.



Haris je stipendista Fondacije Hastor od novembra 2016 godine. Jedan od omiljenih hobija mu je bicikлизам, a voli читати te igrati кошарку. Neke od njegovih strasti su online gaming, te programiranje i neki manji individualni projekti koje, kako kaže, pravi првенствено zbog забаве и искуства.

Ponosi se uspjehom titule ученика generacije koju je ostvario nakon четири године школovanja u gimnaziji Средњошколског центра Hadžići. Njoj je prethodila titula олимпичца s Burch Science Olimpijade koja je održana prošle godine gdje je osvojio prvo mjesto i zlatnu medalju za projekat SOSCharge. Želja mu je da završi fakultet odličnim uspjehom i da postane asistent jer voli da prenosi znanje drugima. Volio bi da svoje IT вјештине upotrijebi u smjerovima Data Science i MachineLearning, ili eventualno kao web developer, za što je nedavno kompletirao stažiranje u jednoj startup firmi.

„Moje mišljenje je da mnogi mladi nemaju pojma koliko je potrebno imati zdravu okolinu da bi uspjeli u svojim namjerama. Ja sam tu zdravu okolinu pronašao u Fondaciji Hastor. Inspirisan приčама stipendista Fondacije i njihovom жељом за uspjeh sam i ja dobio novu energiju, novu glad za uspjehom i znanjem, te usavršavanjem sebe. Fondacija Hastor mi pruža nesebičnu podršku i uključuje me u svoju veliku porodicu, u kojoj je uspjeh zagarantovan, te sam joj zbog toga iznimno zahvalan“ zaključuje Haris.


Džulisa Otuzbir

1

OBJEKTIV



Josipa Bagarić
(Izlet na Mali Vran)

**Edina Durmišević**

Srednjoškolski centar Jovan Dučić, Teslić

PISMO MJESECA

Dugo sam razmišljala šta me sve motiviše. To je razlog što vam do sada nisam pisala. Ovo je moje prvo pismo koje pišem i nadam se da će Vam se svidjeti. Živim na selu s roditeljima i dvije starije sestre. Dok se ostala djeca igraju, ja imam svoje obaveze i nije mi teško da pomažem svojim roditeljima u svemu što rade, a i dalje se trudim da budem među najboljim učenicima u razredu.

Najdraži predmet mi je Njemački jezik i jednog dana bih voljela posjetiti Njemačku i upoznati njemačku nogometnu reprezentaciju. Njihovi uspjesi me tjeraju i daju mi volju da budem bolja od najboljih. Već nekoliko mjeseci treniram taekwondo i nadam se da ću uskoro ići na neko takmičenje.

I zahvaljujem se Vama, Fondaciji Hastor, što ste odlučili da me stipendirate i time mi pružili dodatnu motivaciju da budem još bolja u školi, kod kuće, i da budem primjer svojim drugaricama i drugovima da se sve može postići i da za sve možemo imati vremena.

S poštovanjem,

Merjem Mihaljević

OŠ Mula Mustafa Bašeskija, Visoko

FONDACIJA HASTOR

Bulevar Meše Selimovića 16, Sarajevo
033 774 789
033 774 823
fondacija@hastor.ba

REDAKCIJA

Džulisa Otuzbir
Sadžida Kosovac
Hanka Mujkić
Mirza Okić

Maida Husnić
Lejla Đonlagić
Nirvana Žiško

